



Bouvino

La manifestacioun pèr sauva li biòu de Camargo a fa mirando... (pajo 12)

Prouvènço d'aro

Tóuti li mes, lou journau de la Prouvènço d'aro

Mars de 2023

n° 396

2,10 €

L'Ordre di benevole d'Or, d'argènt o de brounze

Lou Counsèu Despartamentau di Bouco-dou-Rose a crea l'Ordre despartamentau di benevole fin d'ounoura li femo e lis ome que se devouon au service de l'interèst generau dins touto meno d'assouciacioun sènso toco lucrativo. Ansin de medaio d'aquel ordre vènon d'èstre baiado pèr lou proumié cop: la medaio d'Or pèr li benevole que justificon mai de 20 an o mai de benevolat, la medaio d'Argènt pèr li benevole qu'an counsacra mai de 10 an de soun tèms bountousamen au travai assouciatiéu e la medaio de brounze pèr aquéli que vènon de despassa li 5 an d'obro bountouso.



Ansin li proumiéri medaio fuguèron remesso lou 3 de febrí à Hotel dóu Despartamen di Bouco-dou-Rose pèr Martino Vassal, la presidènto dóu Counsèu Despartamentau emai d'Ais-Marsiho-Prouvènço Metroupòli acoumpagnado de Liouneu de Cala, presidènt dóu groupe "Prouvènço Unido" emai di Counseié despartamentau, Valérie Guarino, Sabine Bernasconi, Judith Dossemont, Véronique Miquelly, Marine Pustorino, Henri Pons e Gérard Gazay, pèr remetre aquelo destincioun à 142 Prouvençau, proumié benevole investi dins la vido assouciatiou.

L'Ordre despartamentau di Benevole, crea par la Presidènto Martino Vassal, vèn donc d'ounoura li ciéutadan devoua que counsacron soun tèms e soun energio à la vido assouciatiou. Valènt-à-dire rèn que pèr li Bouco-dou-Rose aperiáqui 460000 benevole que jogon un role maje dins la vido de la coumunauta. Pas proun di medaio s'es ramenta que lou Despartamen di Bouco-dou-Rose ajudo de-longo en suvenciounant 4000 assouciacioun.

Bello Medaio d'Or pèr Tricio



Bèn segur, Martino Vassal manquè de gramacia tòuti aquéli bountous em'aquelo recoumpènso qu'ounouro soun ancianeta e soun emplicacioun.

Belèu li sòci de soucieta espourtivo èron li mai noumbrous, mai aquéli d'assouciacioun de lengo e culturo prouvençalo, èro aqui, e bèu proumié la chourmo de Prouvènço d'aro estènt que Tricio Dupuy anavo èstre guierdouna de la Medaio d'Or d'aquel Ordre despartamentau di benevole.

Sabèn que Tricio milito despièi toujour pèr l'aparamen de la lengo prouvençalo e adeja

despièi la creacioun de Prouvènço d'aro en 1986, lou comte es bon, a despassa li 20 de militantisme bountous.

Apetegado à touto obro, arrèsto pas. Redatriço d'uno moulounado d'article en lengo nostro, a tambèn publica mant un libre que soun darnié "Di pescaire, de la pesco e di pèis d'eici" daverè i'a gaire un prèmi à l'Acadèmi de Marsiho.

Beilejo tambèn lis edicioun en lengo nostro que siegue pèr Prouvènço d'aro vo pèr lou C.I.E.L.d'Oc, lou Cèntr Internaciounau de l'Escrit en Lengo d'Oc, que n'asseguro la presidènço pèr countunia d'espandi dins lou ciberspaci li libre e publicacioun de touto

meno eschich en lengo d'oc.

Participo à proun d'emissioun en prouvençau à la televisioun coume "Vaqui" sus FR3, e ourganiso forço espousicioun o fèsto dóu libre toujour pèr la proumoucioun de nosto lengo.

E i'arribo encaro de trouba lou tèms de baia de cours de lengo apiejado sus soun oubrage d'educacioun "Le parler provençal". Sènso countèste fuguè la persouno la miés plaçado pèr daverà aquelo medaio d'or, recoumpènso ounourifico de soun grand benevolat assouciatiéu.

"Osco, e longo mai!" cridè la chourmo de Prouvènço d'aro en picant di man.

L'angòni dóu País d'oc

Lou destin d'aquéu país agùè long-tèms quicon de tragique...

Pajo 6

Journado Fèlis Gras

Dins soun vilage natau de Malo-Mort se festejara lou felibre rouge...

Pajo 5

Magali ma tant amado

Un pouèmo de Mistral tira de soun obro "Mirèio" que se canto toujour...

Pajo 3